

宗本素問

八

重廣補注黃帝內經素問卷第二十一

啓享次注林億孫竒高保衡等奉敕校正孫兆重改誤

六元正紀大論篇第七十一 刺法論篇第七十二 亡

本病論篇第七十三 亡 新校正云詳此二篇亡在王注之前按病能論篇末王冰注云世本既闕第

七二篇謂此二篇也而今世有素問二篇及昭明隱旨論以謂此三篇仍託名王冰為注辭理鄙陋无足取者舊本此篇名在六元正紀篇後列之為後人移於此若以尚書亡篇之名皆在前篇之末則舊本為得

六元正紀大論篇第七十一

黃帝問曰六化六變勝復淫治甘苦辛鹹酸淡先後

余知之矣夫五運之化或從五氣新校正云詳五氣疑作天氣則與下文相協或逆

天氣或從天氣而逆地氣或從地氣而逆天氣或相

得或不相得。余未能明其事。欲通天之紀。從地之理。

和其運。調其化。使上下合德。無相奪倫。天地升降。不

失其宜。五運宣行。勿乖其政。調之正味。從逆奈何。氣同謂之

從氣異謂之逆。勝制為不相得。相生為相得。司天地之氣。更淫勝復。各有主治法。則欲令平調。氣性不違。忤天地之氣。以致清靜和平也。岐伯稽

首再拜。對曰。昭乎哉。問也。此天地之綱紀。變化之淵

源。非聖帝孰能窮其至理。歟。臣雖不敏。請陳其道。令

終不滅。久而不易。氣主循環。同於天地。太過不及。氣序常然。不言帝

曰。願夫子推而次之。從其類序。分其部主。別其宗司。

昭其氣數。明其正化。可得聞乎。部主謂分六氣所部主者也。宗司謂配五氣運行之位也。氣數

謂天地五運氣更用之。正數也。正化謂歲直氣味所宜。酸苦甘辛鹹寒溫冷熱也。岐伯曰。先立其年。以明其

氣。金木水火土。運行之數。寒暑燥濕風火。臨御之化。則天道可見。民氣可調。陰陽卷舒。近而無惑。數之可數者。請遂言之。也。遂盡也。帝曰。太陽之政。奈何。岐伯曰。辰戌之紀也。

太陽 太角 太陰 壬辰 壬戌 其運風 其化鳴素啓拆

新校正云。按五常政大論云。其德鳴靡啓拆。其變振拉摧拔。新校正云。詳此其運其化。其變從太角等運起。

其病眩掉目暝。新校正云。詳此病證。以運加同天地為言。

太角初 少徵 太宮 少商 太羽終

太陽 太徵 太陰 戊辰 戊戌 同正徵。新校正云。按五常政大論云。赫曦之紀。上

羽與正其運熱。其化暄暑鬱燠。新校正云。按五常政大論。燠作蒸。

其變炎烈沸騰。其病熱鬱。

太徵 少宮 太商 少羽 少角 初

太陽 太宮 太陰 甲辰歲會符 甲戌歲會符

元紀大論云承歲為歲直又六微旨大論云木運臨卯火運臨午土運臨四季金運臨酉水運臨子所謂歲會氣之平也王冰云歲直亦曰歲會此甲為太宮辰戌為四季故曰歲會又云同天符者按本論下文云太過而加同天符是此歲一為歲會又為同天符也

其運陰埃新校正云詳太宮三運兩日陰雨獨此日陰埃疑作兩 其化柔潤重澤新校正云按五

常政大論 其變震驚飄驟 其病濕下重

太宮 少商 太羽 太角 少徵

太陽 大商 太陰 庚辰 庚戌 其運涼

其化霧露蕭颯 其變肅殺凋零 其病燥背脊骨滿

太商 少羽 少角 太徵 少宮

太陽 太羽 太陰 丙辰天符 丙戌天符

新校正云按天元紀大論云應天為天符又六微旨大論云土運之歲上見大陰火運之歲上見少陽少陰金運之歲上見陽明木運之歲上見厥陰水運之歲上見太陽曰天與之會故曰天符又本論下文云五運同行天化者命曰天符又云臨者太過不及皆曰天符 其運寒新校正云

詳太羽三運此為上羽少陽少陰司天為太徵而少陽司天運言寒肅此與少陰司天運言其運寒者疑此太陽司天運合太羽當言其運寒肅少陽少陰司天運當云其運寒也 其化凝慘凜冽新校正云按五常政大論作凝慘寒露 其變冰雪

霜雹 其病大寒留於谿谷

太羽 太角 少徵 太宮 少商

凡此太陽司天之政氣化運行先天六步之氣生長化成收藏皆先天時而應至也

餘歲先天同之也 天氣肅地氣靜寒臨太虛陽氣不令水土合

德上應辰星鎮皇明而大也其穀玄齡天地正氣之所生長化成也其政肅其

令徐寒政大舉澤無陽燄則火發待時寒甚則火鬱待四氣乃發暴為炎熱也

少陽中治時雨迺涯止極雨散還於太陰雲朝北極

濕化迺布北極兩府也澤流萬物寒敷于上雷動于下寒濕

之氣持於氣交歲氣之大體也民病寒濕發肌肉萎足痿不收

濡寫血溢新校正云詳血溢者火發待時所為之病也初之氣地氣遷氣迺大溫

畏火致之草迺早榮民迺厲溫病迺作身熱頭痛嘔吐肌腠

瘡瘍赤班也是為膚腠中瘡在皮內也二之氣大涼反至民迺慘草迺遇寒

火氣遂抑民病氣鬱中滿寒迺始因涼而又之於寒氣故寒氣始來近人也三之

氣天政布寒氣行雨迺降民病寒反熱中癰疽注下

心熱瞋悶不治者死當寒反熱是反天常熱起於心則神之危亟不急扶救神必消亡故治者則生不治則死

四之氣風濕交爭風化為雨迺長迺化迺成民病大

熱少氣肌肉萎足痿注下赤白五之氣陽復化草迺

長迺化迺成民迺舒大火臨御故萬物舒榮終之氣地氣正濕令行

陰凝太虛埃昏郊野民迺慘悽寒風以至反者孕迺

死故歲宜苦以燥之溫之新校正云詳故歲宜苦以燥之溫之九字當在避虛邪以安其正下錯簡在此

必折其鬱氣先資其化源化源謂九月迎而取之以補心火新校正云詳水將勝也先於九月迎取其

化源先為腎之源也蓋以水王十月故先於九月迎而取之瀉水所以補火也抑其運氣扶其不勝太角歲脾不勝

太徵歲肺不勝太宮歲腎不勝太商歲肝不勝太羽歲心不勝歲之宜也如此然太陽司天五歲之氣通宜先助心後扶腎氣無使暴過

而生其疾食歲穀以全其真避虛邪以安其正木過則脾病生

火過則肺病生土過則腎病生金過則肝病生水過則心病生天地之氣過亦然也歲穀謂黃色黑色虛邪謂從衝後來之風也適氣同異

多少制之同寒濕者燥熱化異寒濕者燥濕化太宮太商太羽

歲同寒濕宜治以燥熱化太角太徵歲異寒濕宜治以燥濕化也故同者多之異者少之多謂燥熱少謂燥濕氣用

其歲也少多隨用寒遠寒用涼遠涼用溫遠溫用熱遠熱食宜

同法有假者反常反是者病所謂時也時謂春夏秋冬及間氣所在同則遠之即雖其

時若六氣臨御假寒熱溫涼以除疾病者則勿遠之如太陽司天寒為病者假熱以療則熱用不遠夏餘氣例同故曰有假反常也食同藥法爾若無假反法則為病之媒非方制養生之道新校正云

按用寒遠寒及有假者反常等事下文備矣帝曰善陽明之政奈何

岐伯曰卯酉之紀也

陽明少角少陰清熱勝復同同正商清勝少角熱復清氣故曰清熱勝復同也餘少運皆

同也同正商者上見陽明上商與正商同言歲木不及也餘準此新校正云按五常政大論云委和之紀上商與正商同丁卯歲會丁酉

其運風清熱不及之運常兼勝復之氣言是風運氣也清勝氣也熱復氣也餘少運悉同

少角正初太徵少宮太商少羽終

陽明少徵少陰寒雨勝復同同正商新校正云按伏明之紀上商與正商同癸卯同歲

會癸酉同歲會新校正云按本論下文云不及而加同歲會此運少徵為不及不加少陰故云同歲會其運熱寒雨

少徵太宮少商太羽終太角初

陽明少宮少陰風涼勝復同已卯已酉其運雨風涼

少宮太商少羽終少角初太徵

陽明少商少陰熱寒勝復同同正商新校正云按五常政大論云從革之紀上商與

正商乙卯天符乙酉歲會太一天符新校正云按天元紀大論云三合為治又六微旨大論云

天符歲會曰太一天符王冰云是謂三合一者天會二者歲會三者運會或云此歲三合曰太一天符不當更曰歲會者甚不然也乙酉本為歲會又為

太一天符歲會之名不可去也。或云巳丑巳未戌午何以不連言歲會而單言太一天符曰舉一隅不以三隅反舉一則三者可知去之則亦太一天符不為歲會故曰不可去也。其運涼熱寒。

少商 太羽^終 太角^初 少徵 太宮

陽明 少羽 少陰 雨風勝復同 辛卯 少宮同。新校正云按五常政大論

云五運不及除同正角正商正宮外癸丑癸未當云少徵與少羽同巳卯巳酉少宮與少角同乙丑乙未少商與少徵同辛卯辛巳辛亥少羽與少宮同合有十年今此論獨於此言少宮同者蓋以癸丑癸未丑未為土故不更同少羽巳卯巳酉為金故不更同少角辛巳辛亥為太徵不更同少宮乙丑乙未下見太陽為水故不更同少徵又除此八年外只有辛卯辛酉二年為少羽同少宮也。

辛酉 辛卯 其運寒雨風

少羽^終 少角^初 太徵 太宮 太商

凡此陽明司天之政氣化運行後天。六步之氣生長化成庶務動靜皆後天時而應餘少歲同

天氣急地氣明陽專其令炎暑大行物燥以堅淳風

迺治風燥橫運流於氣交多陽少陰雲趨雨府濕化

迺敷。雨府太陰燥極而澤。燥氣欲終則化為雨其穀白丹。天地正氣所化生也

間穀命太者。命太者謂前文太角商等氣之化者間氣化生故云間穀也。新校正云按玄珠云歲穀與間穀者何即在泉為歲穀及在泉

之左右間者皆為歲穀其司天及運間而化者名間穀又別有一名間穀者是也化不及即反有所勝而生者故名間穀即邪氣之化又名並化之穀也亦名間穀與王注其耗白甲品羽。白色甲蟲多品羽類有用翼者耗散頗異金火合

德上應太白熒惑。見大其政切其令暴蟄蟲迺見流水

不冰民病欬嗌塞寒熱發暴振栗癘闕清先而勁毛

蟲迺死熱後而暴介蟲迺殀其發躁勝復之作擾而

大亂。金先勝木已承害故毛蟲死火後勝金不勝故介蟲復殀勝而行殺羽者已亡復者後來強者又死非大亂氣其何謂也清熱之

氣持於氣交。初之氣地氣遷。陰始凝。氣始肅。水廼冰。寒雨化。其病中熱脹。面目浮腫。善眠。軌衄。嘔欠。嘔小。便黃赤。甚則淋。太陰之化。新校正云。詳氣肅水。水疑非太陰之化。二之氣陽廼布。民廼舒。物廼生榮。厲大至。民善暴死。臣位君故爾。三之氣天政布。涼廼行。燥熱交合。燥極而澤。民病寒熱。寒熱瘡也。四之氣寒雨降。病暴仆。振慄。譫妄。少氣。嗑乾。引飲。及為心痛。癰腫。瘡瘍。瘧寒之疾。骨痿血便。骨痿無力。五之氣春令反行。草廼生榮。民氣和。終之氣陽氣布。候反溫。蟄蟲來見。流水不冰。民廼康平。其病溫。君之化也。故食歲穀以安其氣。食間穀以去其邪。歲宜以鹹以苦以辛。汗之清之散之。

安其運氣。無使受邪。折其鬱氣。資其化源。化源謂六月迎而取之也。新

校正云。按金王七月。故逆於六月。寫金氣。以寒熱輕重。少多其制。同熱者多天化。

同清者多地化。少角少徵。歲同熱。用方多以天清之化。治之。少宮少商。少羽。歲同清。用方多以地熱之化。治之。火在地。故同清。

者多地化。金在天。故同熱者多天化。用涼遠涼。用熱遠熱。用寒遠寒。用溫遠溫。

食宜同法。有假者反之。此其道也。反是者亂天地之

經。擾陰陽之紀也。帝曰善。少陽之政。柰何。岐伯曰。寅

申之紀也。

少陽太角。新校正云。按五常政大論云。上徵則其氣逆。厥陰壬寅。同天符。壬申。同天符。其運

風鼓。新校正云。詳風火合勢。故其運風鼓。少陰司天。太角運亦同。其化鳴紊。啓圻。新校正云。按五常政大論

云。其德鳴靡。啓圻。其變振拉。摧拔。其病掉眩。支脇。驚駭。

太角正初 少徵 太宮 少商 太羽終

少陽 太徵新校正云按五常政大論云上徵而收氣後 厥陰 戊寅天符 戊申天符

其運暑其化暄暄鬱鬱新校正云按五常政大論作暄暑鬱鬱此變暑為暄者以上臨少陽故也

其變炎烈沸騰 其病上熱鬱血溢血泄心痛

太徵 少宮 太商 少羽終 少角初

少陽 太宮 厥陰 甲寅 甲申 其運陰雨

其化柔潤重澤 其變震驚飄驟 其病體重肘腫痞飲

太宮 少商 太羽終 太角初 少徵

少陽 太商 厥陰 庚寅 庚申 同正商新校正云按五常政大論云堅成之紀上徵與正商

其運涼 其化霧露清切新校正云按五常政大論云霧露蕭颯又大商三運兩言蕭颯獨此言清切詳

此下如厥陰當此蕭颯 其變肅殺凋零 其病肩背胷中

太商 少羽終 少角初 太徵 少宮

少陽 太羽 厥陰 丙寅 丙申 其運寒肅新校正云詳此運不當言寒肅以注

太陽司天 太羽運中 其化凝慘栗冽新校正云按五常政大論云作凝慘寒霧

其變冰雪霜雹 其病寒浮腫

太羽終 太角初 少徵 太宮 少商

凡此少陽司天之政氣化運行先天天氣正新校正云詳少陽司天太

陰司地正得天地之正又厥陰少陽司地各云得其正者以地主在榮為言也本或作天氣止者少陽火之性用動躁云止義不通也 地氣擾

風迺暴舉木偃沙飛炎火迺流陰行陽化雨迺時應

火木同德上應熒惑歲星見明而大 新校正云詳六氣惟少陽厥陰司天司地為上下通和無相勝剋

故言火木同德餘氣其穀丹蒼其政嚴其令擾故風熱參布

雲物沸騰太陰橫流寒迺時至涼雨並起民病寒中

外發瘡瘍內為泄滿故聖人遇之和而不爭往復之

作民病寒熱瘡泄聾瞶嘔吐上怫腫色變初之氣地

氣遷風勝迺搖寒迺去候迺大溫草木早榮寒來不

殺溫病迺起其病氣怫於上血溢目赤欬逆頭痛血

崩全詳明字脇滿膚腠中瘡少陰二之氣火反鬱太陰分白埃

四起雲趨雨府風不勝濕雨迺零民迺康其病熱鬱

於上欬逆嘔吐瘡發於中胃噎不利頭痛身熱昏憤

膿瘡三之氣天政布炎暑至少陽臨上雨迺涯民病

熱中聾瞶血溢膿瘡欬嘔軌衄渴嚏欠喉痺目赤善

暴死四之氣涼迺至炎暑間化白露降民氣和平其

病滿身重五之氣陽迺去寒迺來雨迺降氣門迺閉

新校正云按王注生氣通天論氣門玄府也所以發泄經脈榮衛之氣故謂之氣門剛木早凋民避寒邪君子

周密終之氣地氣正風迺至萬物反生霧霧以行其

病關閉不禁心痛陽氣不藏而欬抑其運氣替所不

勝必折其鬱氣先取化源化源年之前十二月迎而取之新校

有四等太陽司天取九月陽明司天取六月是二者先取在天之氣也少陽司

天取年前十二月太陰司天取九月是二者乃先時取在地之氣也少陰司天

取年前十二月厥陰司天取四月義不可解按玄珠之說則不然太陽陽明之

月與王注合少陽少陰俱取三月太陰取五月厥陰取年前十二月玄珠之義

可解王注之苛重也暴過不生苛疾不起新校正云詳此不言食歲穀

月疑有誤也間穀者善此歲天地氣正上下通和故

故歲宜鹹辛宜酸滲之泄之瀆之發之觀氣寒温
也以調其過同風熱者多寒化異風熱者少寒化
風熱以寒化多之太宮太商太羽歲異風熱以涼調其過也用熱遠熱用温遠温用寒遠寒

用涼遠涼食宜同法此其道也有假者反之反是者

病之階也帝曰善太陰之政奈何岐伯曰丑未之紀也

太陰少角太陽清熱勝復同同正宮
新校正云按五常政大論云委和之紀太

宮與正宮同 丁丑 丁未 其運風清熱

少角初 太徵正 少宮 太商 少羽終

太陰少徵太陽寒雨勝復同癸丑癸未 其運熱寒雨

少徵 太宮 少商 太羽終 太角

太陰少宮太陽風清勝復同同正宮
新校正云按五常政大論云卑監之紀上

宮與正宮同 巳丑 太一天符 巳未 太一天符 其運雨風清

少宮 太商 少羽終 少角初 太徵

太陰少商太陽熱寒勝復同乙丑乙未 其運涼熱寒

少商 太羽終 太角初 少徵 太宮

太陰少羽太陽雨風勝復同同正宮
新校正云按五常政大論云涸流之紀上

宮與正宮同或以此二歲為同歲會為平水運欲去同正宮三字者非也蓋此歲有二義而輒去其一甚不可也

辛丑同歲 辛未同歲 其運寒雨風

少羽終 少角初 太徵 少宮 太商

凡此太陰司天之政氣化運行後天
萬物生長化成皆後天時而生成也 陰

專其政。陽氣退辟。大風時起。新校正云。詳此太陰之政。但以言大風時起。蓋厥陰為初氣。居木位。春氣正。風

迺來。故言大風時起。天氣下降。地氣上騰。原野昏霧。白埃四起。雲奔

南極。寒雨數至。物成於差。夏南極。雨府也。差。夏謂立秋之後一十日也。民病寒濕。

腹滿。身臃。憤肘。腫痞。逆寒。厥拘。急濕。寒合。德黃黑埃。

昏。流行氣交。上應鎮星辰星。見而其政肅。其令寂。其穀

黔玄。正氣所生成也。故陰凝於上。寒積於下。寒水勝火。則為冰

雹。陽光不治。殺氣迺行。黃黑昏埃。是謂殺氣。自此及西。流行於東及南也。故有餘宜高。

不及。宜下有餘。宜晚不及。宜早。土之利。氣之化也。民

氣亦從之。間穀命其太也。以間氣之大者。言其氣也。初之氣。地氣遷。寒

迺去。春氣正。風迺來。生布萬物。以榮民氣。條舒風濕。

相薄。雨迺後。民病血溢。筋絡拘強。關節不利。身重筋

痿。二之氣。大火正。物承化。民迺和。其病溫厲。大行遠

近。咸若。濕蒸相薄。雨迺時降。應順天常。不愆時候。謂之時雨。新校正云。詳此以少陰居君火之位。故

言大火正也。三之氣。天政布。濕氣降。地氣騰。雨迺時降。寒迺

隨之。感於寒濕。則民病身重。肘腫。胃腹滿。四之氣。畏

火。臨。溽蒸化。地氣騰。天氣否隔。寒風曉暮。蒸熱相薄。

草木凝煙。濕化不流。則白露陰布。以成秋令。萬物得之以成。民

病。腠理熱。血暴溢。瘧。心腹滿。熱臙脹。甚則肘腫。五之

氣。慘令已行。寒露下。霜迺早降。草木黃落。寒氣及體。

君子周密。民病皮膚。腠終之氣。寒大舉。濕大化。霜迺積。

陰廼凝水堅冰。陽光不治，感於寒，則病人關節禁固。腰脰痛，寒濕推於氣交而為疾也。必折其鬱氣而取化源。九月化源迎而取之以補益也。益其歲氣，無使邪勝。食歲穀以全其真，食閒穀以保其精。故歲宜以苦燥之，溫之甚者發之，泄之不發不泄，則濕氣外溢，肉潰皮拆，而水血交流，必替其陽火。今禦甚寒，冬之分其用五，長量氣用之也。從氣異同，少多其判也。通言歲運之同異也。同寒者以熱化，同濕者以燥化。少宮少商少官歲又同濕，濕過故宜燥，寒過故宜熱，少角少徵歲平和處之也。異者少之，同者多之。用涼遠涼，用寒遠寒，用溫遠溫，用熱遠熱。食宜同法，假者反之。此其道也。反是者病也。帝曰：善。少陰之政，柰何岐伯

曰：子午之紀也。

少陰 太角 新校正云：按五常政大論云：上徵則其氣逆。 陽明 壬子 壬午

其運風鼓 其化鳴紊啓坼 新校正云：按五常政大論云：其德鳴靡啓坼。

其變振拉摧拔 其病支滿

太角 初 少徵 太宮 少商 太羽 終

少陰 太徵 新校正云：按五常政大論云：上徵而收氣後。 陽明 戊子 天符 戊午

太一天符 其運炎暑 新校正云：詳太徵運太陽司天曰熱，少陽司天曰暑，少陰司天曰炎，暑兼司天

之氣而言運也。 其化暄曜鬱燠 新校正云：按五常政大論作暄暑鬱燠，此變暑為曜者，以上臨少陰故也。

其變炎烈沸騰 其病上熱血溢

太徵 少宮 太商 少羽 終 少角 初

少陰 太宮 陽明 甲子 甲午 其運陰雨

其化柔潤時雨。新校正云按五常政大論云柔潤重淖又太宮三運雨作柔潤重澤此時雨二字疑誤

其變震驚飄驟 其病中滿身重

太宮 少商 太羽 太角 少徵

少陰 太商 陽明 庚子 庚午 同正商。新校正云按五常政大論

其運涼勁。新校正云詳此以運合在泉故云涼勁

其化霧露蕭颯 其變肅殺凋零 其病下清

太商 少羽 少角 太徵 少宮

少陰 太羽 陽明 丙子歲會 丙午 其運寒

其化凝慘凜冽。新校正云按五常政大論作凝慘寒冽

其變冰雪霜雹 其病寒下

太羽 太角 少徵 太宮 少商

凡此少陰司天之政氣化運行先天地氣肅天氣明

寒交暑熱加燥。新校正云詳此云寒交暑者謂前歲終之氣少陽今歲初之氣太陽太陽寒交前歲少陽之暑也熱加燥者

雲馳雨府濕化廼行時雨廼降金火合德上

應災惑太白。見而明大其政明其令切其穀丹白水火寒熱

持於氣交而為病始也熱病生於上清病生於下寒

熱凌犯而爭於中民病欬喘血溢血泄軌嚏目赤皆

瘍寒厥入胃心痛腰痛腹大嗌乾腫上初之氣地氣

遷燥將去。新校正云按陽明在泉之前歲為少陽少陽者暑暑往而陽明在地太陽初之氣故上文寒交暑是暑去而寒始也此燥字乃

是暑字之誤也。大論云太陽居木位為寒風切列此風迺至當作風迺列寒迺始。執復藏。水迺冰。霜復降。風迺至。新校正去按王注天微旨

大論云太陽居木位為寒風切列此風迺至當作風迺列陽氣鬱。民反周密。關節禁固。腰脛

痛。炎暑將起。中外瘡瘍。二之氣。陽氣布。風迺行。春氣

以正。萬物應榮。寒氣時至。民迺和。其病淋。目瞑。目赤。

氣鬱於上而熱。三之氣。天政布。大火行。庶類蕃鮮。寒

氣時至。民病氣厥。心痛。寒熱更作。欬喘。目赤。四之氣。

溽暑至。大雨時行。寒熱互至。民病寒熱。嗌乾。黃痺。鼯

衄。飲發。五之氣。畏火。臨暑反至。陽迺化。萬物迺生。迺

長榮。民迺康。其病溫。終之氣。燥令行。餘火內格。腫於

上。欬喘甚。則血溢。寒氣數舉。則霧霧。翳病生。皮膚內

舍於脇下。連少腹。而作寒中。地將易也。氣終則遷何可長也必抑其

運氣。資其歲勝。折其鬱發。先取化源。先於年前十二月迎而取之無使暴

過。而生其病也。食歲穀。以全真氣。食間穀。以辟虛邪。

歲宜鹹。以栗之。而調其上。甚則以苦發之。以酸收之。

而安其下。甚則以苦泄之。適氣同異。而多少之。同天

氣者。以寒清化。同地氣者。以溫熱化。太角太徵歲同天氣宜以寒清治之太宮太商

太羽歲同地氣宜以溫熱治之化治也用熱遠熱。用涼遠涼。用溫遠溫。用寒遠

寒。食宜同法。有假則反。此其道也。反是者。病作矣。帝

曰。善厥陰之政。柰何。岐伯曰。巳亥之紀也。

厥陰少角。少陽清熱勝復同。同正角。新校正去按五常政大論云委和之紀上

角與正 丁巳天符 丁亥天符 其運風清熱

角同 少角正初 太徵 少宮 太商 少羽終

厥陰少徵少陽寒雨勝復同 癸巳同歲 癸亥同歲

其運熱寒雨

少徵 太宮 少商 太羽終 太角初

厥陰少宮少陽風清勝復同 同正角 新校正云按五常政大論云卑監之紀上

角與正 巳巳 巳亥 其運雨風清

少宮 太商 少羽終 少角初 太徵

厥陰少商少陽熱寒勝復同 同正角 新校正云按五常政大論云從革之紀上

角與正 乙巳 乙亥 其運涼熱寒

少商 太羽終 太角初 少徵 太宮

厥陰少羽少陽雨風勝復同 辛巳 辛亥 其運寒雨風

少羽終 少角初 太徵 少宮 太商

凡此厥陰司天之政氣化運行後天諸同正歲氣化

運行同天 太過歲運化氣行先天時不及歲化生成後天時同正歲化生成與天二十四氣遲速同無先後也 新校正云詳此注云同正

歲與二十四氣同疑非恐是與大寒日交同氣候同 天氣擾地氣正風生高遠炎熱從之

雲趨雨府濕化迺行風火同德上應歲星熒惑其政

撓其令速其穀蒼丹間穀言太者其耗文角品羽風

燥火熱勝復更作蟄蟲來見流水不冰熱病行於下

風病行於上風燥勝復形於中初之氣寒始肅殺氣

方至民病寒於右之下二之氣寒不去華雪水冰殺
 氣施化霜迺降名草上焦寒雨數至陽復化民病熱
 於中三之氣天政布風迺時舉民病位出耳鳴掉眩
 四之氣溽暑濕熱相薄爭於左之上民病黃痺而為
 肘腫五之氣燥濕更勝沈陰迺布寒氣及體風雨迺
 行終之氣畏火司令陽迺大化蟄蟲出見流水不冰
 地氣大發草迺生人迺舒其病溫厲必折其鬱氣資
 其化源化源四月也贊其運氣無使邪勝歲宜以辛調上
 以鹹調下畏火之氣無妄犯之新校正云詳此運何以不言適氣同異少多之制者蓋厥陰之
政與少陽之政同六氣分政惟厥陰與少陽之政上下無剋罰之
異治化惟一故不再言同風熱者多寒化異風熱者少寒化也用溫遠溫

用熱遠熱用涼遠涼用寒遠寒食宜同法有假反常
 此之道也反是者病帝曰善夫子言可謂悉矣然何
 以明其應乎歧伯曰昭乎哉問也夫六氣者行有次
 止有位故常以正月朔日平旦視之覩其位而知其
 所在矣陰之所在天應以雲陽之所在天應以清淨自然分布象見不差運有餘其至先運不及
 其至後先後皆寅時之先後也此天之道氣之常也天道昭然當期必應見無差失
是氣之常運非有餘非不足是謂正歲其至當其時也當寅時謂
也帝曰勝復之氣其常在也災眚時至候也柰何歧伯
 曰非氣化者是謂災也十二變備矣帝曰天地之數終始柰
 何歧伯曰悉乎哉問也是明道也數之始起於上而

終於下歲半之前天氣主之歲半之後地氣主之

歲半謂立

秋之日也。新校正云詳初氣交司在前歲大寒日。上下交互氣交主

之歲紀畢矣。交互互體也。上體下體之中有二互體也。故曰位明氣月可知乎所

謂氣也。大九一氣主六十日而有奇以立位數之位同一氣則月之節氣中

上下互皆以節氣準之。候之災青變復可期矣。帝曰余司其事則而行之不合其數

何也歧伯曰氣用有多少化洽有盛衰衰盛多少同

其化也帝曰願聞同化何如歧伯曰風溫春化同熱

曠昏火夏化同勝與復同燥清煙露秋化同雲雨昏

暝埃長夏化同寒氣霜雪冰冬化同此天地五運六氣

之化更用盛衰之常也帝曰五運行同天化者命曰

天符余知之矣願聞同地化者何謂也歧伯曰太過

而同天化者三不及而同天化者亦三太過而同地

化者三不及而同地化者亦三此凡二十四歲也

同天地之化者凡二十四歲餘悉隨已多少帝曰願聞其所謂也歧伯曰甲辰甲

戌太宮下加太陰壬寅壬申太角下加厥陰庚子庚

午太商下加陽明如是者三癸巳癸亥少徵下加少

陽辛丑辛未少羽下加太陽癸卯癸酉少徵下加少

陰如是者三戊子戊午太徵上臨少陰戊寅戊申太

徵上臨少陽丙辰丙戌太羽上臨太陽如是者三丁

巳丁亥少角上臨厥陰乙卯乙酉少商上臨陽明巳

丑巳未少宮上臨太陰如是者三除此二十四歲則不加不臨也帝曰加者何謂歧伯曰太過而加同天符不及而加同歲會也帝曰臨者何謂歧伯曰太過不及皆曰天符而變行有多少病形有微甚生死有早晏耳帝曰夫子言用寒遠寒用熱遠熱余未知其然也願聞何謂遠歧伯曰熱無犯熱寒無犯寒從者和逆者病不可不敬畏而遠之所謂時與六位也四時氣王

之月藥及食衣寒熱溫涼同者皆宜避之若四時同犯則以水濟水以火助火病必生也帝曰溫涼何口溫涼減於寒女熱可輕犯之

平岐伯曰司氣以熱用熱無犯司氣以寒用寒無犯司氣以涼用涼無犯司氣以溫用溫無犯閒氣同其主

無犯異其主則小犯之是謂四畏必謹察之帝曰善

其犯者何如須犯者歧伯曰天氣反時則可依則反其為病則可依時及

勝其主則可犯夏熱甚則可以熱犯熱寒氣不甚則不可犯之以平為期而不可過

氣平則止過則病生過而病生與犯同也是謂邪氣反勝者氣動有勝是謂邪客勝於主不可不禦也六步之氣於六位中

應寒反熱應熱反寒應溫反涼應涼反溫是謂六步之邪勝也若冬反溫夏反冷若秋反熱若春反涼是謂四時之邪勝也勝則反其氣以平之故曰

無失天信無逆氣宜無翼其勝無替其復是謂至治

天信謂至時必定翼替皆佐之謹守天信是謂至真妙理也帝曰善五運氣行主歲之紀其

有常數乎歧伯曰臣請次之

甲子 甲午歲

上少陰火 中太宮土運 下陽明金 熱化二新校正去詳對化從標成

數正化從本生數甲子之年熱化七雨化五新校正云按本論正文云太過燥化九甲午之年熱化二燥化四不及其數何如太過者其數成

不及者其數生土常以生也甲年太燥化四所謂正化日也正氣化也

其化上鹹寒中苦熱下酸熱所謂藥食宜也新校正云按玄珠云

下苦熱又按至真要大論云熱淫所勝平以鹹寒燥淫于內治以苦溫此去下酸熱疑誤也

乙丑 乙未歲

上太陰土 中少商金運 下太陽水 熱化寒化勝復同

所謂邪氣化日也 災土宮新校正云詳七宮西室允位天任司也災之方以運之當方言

濕化五新校正云詳太陰正司於未對司於丑其化皆五以生數也

清化四新校正云按本論下文云不及者其數生乙寒化六新校正云

化六乙未所謂正化日也其化上苦熱中酸和下甘熱化二

所謂藥食宜也新校正云按玄珠云上酸下甘溫又按至真要大論云濕淫所勝平以苦熱寒淫于內治以甘熱

丙寅 丙申歲新校正云詳丙申之歲申金生水水化之令轉盛司天相火為病減半

上少陽相火 中太羽水運 下厥陰木 火化二新校正云詳丙寅火化二

寒化六 風化三新校正云詳丙寅風化三所謂正化日也

其化上鹹寒中鹹溫下辛溫所謂藥食宜也新校正云按玄珠云下辛

涼又按至真要大論云火淫所勝平以鹹冷風淫于內治以辛涼

丁卯歲 丁酉歲新校正云詳丁年正月壬寅為干德符便為平氣勝復不至運同正角金不勝木木亦不火土又丁卯年得卯

木佐之即上陽明不能災之

上陽明金 中少角木運 下少陰火 清化熱化勝復同

所謂邪氣化日也 災三宮新校正云詳三宮東室震位天衝司燥化九新校正云詳丁

卯燥化九丁酉燥化四風化三熱化七新校正云詳丁卯熱化二丁酉熱化七所謂正化日也

其化上苦小温中辛和下鹹寒所謂藥食宜也新校正云按至

真要大論云燥淫所勝平以苦温熱淫于內治以鹹寒又玄珠云上苦熱也

戊辰 戊戌歲

上太陽水中太徵火運新校正云詳此上見太陽火化減半下太陰土寒化六新校

正云詳戊辰寒化大戊戌寒化一熱化七濕化五所謂正化日也

其化上苦温中甘和下甘温所謂藥食宜也新校正云按至真要大論

云寒淫所勝平以辛熱濕淫于內治以苦熱又玄珠云上甘温下酸平

巳巳 巳亥歲

上厥陰木中少宮土運新校正云詳至九月甲戌月巳得甲戌方還正官下少陽相火

風化清化勝復同所謂邪氣化日也災五宮新校正云按五常政

大論云其書四維又按天元玉冊云中室天禽司非維宮同正宮寄位二宮坤位風化三新校正云詳巳巳風化八巳亥風化三

濕化五火化七新校正云詳巳巳熱化七巳亥熱化二所謂正化日也

其化上辛涼中甘和下鹹寒所謂藥食宜也新校正云按至真要大論

云風淫所勝平以辛涼火淫于內治以鹹冷

庚午符 庚子歲符

上少陰火中太商金運新校正云詳庚午年金令減半以上見少陰君火年午亦為火故也庚子年是水金氣

相得與庚午年又異下陽明金熱化七新校正云詳庚午年熱化二燥化四庚子年熱化七燥化九

清化九燥化九所謂正化日也

其化上鹹寒中辛温下酸温所謂藥食宜也新校正云按玄珠云

下苦熱又按至真要大論云燥淫于內治以苦熱

辛未同歲 辛丑歲同歲

上太陰土中少羽水運新校正云詳此至七月丙申月水還正羽 下太陽水

雨化風化勝復同所謂邪氣化日也 災一宮新校正云詳六宮北室坎

位天玄司 雨化五 寒化一新校正云詳此以運與在泉俱水故只言寒化一者少羽之化氣也若太陽在泉之化則辛未寒化六

所謂正化日也

其化上苦熱中苦和下苦熱所謂藥食宜也新校正云按玄珠云上酸

和下甘溫又按至真要大論云濕淫所勝平以苦熱寒淫于內治以甘熱

壬申同天 壬寅歲符

上少陽相火中太角木運下厥陰木火化二新校正云詳壬申熱化七壬寅熱化二

風化八新校正云詳此以運與在泉俱木故只言風化八乃太角之運化也若厥陰在泉之化則壬申風化三壬寅風化八 所謂正化日也其化上鹹寒中酸和下辛涼所謂藥食宜也

癸酉同歲 癸卯歲同歲

上陽明金中少徵火運新校正云詳此五月遇戊午月火還正徵 下少陰火

寒化雨化勝復同所謂邪氣化日也 災九宮新校正云詳九宮南位南

室天英司也 燥化九新校正云詳癸酉燥化四癸卯燥化九 熱化二新校正云詳此以運與在泉俱火故只言熱化二熱化二者少

徵之運化也若少陰在泉之化癸酉熱化七癸卯熱化二 所謂正化日也

其化上苦小溫中鹹溫下鹹寒所謂藥食宜也新校正云按玄珠云上苦熱

甲戌歲會同 甲辰歲天符

上太陽水中太宮土運下太陰土 寒化六新校正云詳甲戌寒化一甲辰寒化

六 濕化五

新校正云詳此以運與在泉俱土故只言濕化五

正化日也

其化上苦熱中苦溫下苦溫藥食宜也

新校正云按玄珠云上甘溫下酸平

又按至真要大論云寒淫所勝平以辛熱濕熱于內治以苦熱

乙亥 乙巳歲

上厥陰木中少商金運

新校正云詳乙亥年三月得庚辰月早見干德符即氣還正商火未得至而先平火不勝

則水不復又亥是水得力年故火不勝也乙巳歲火來小勝已為火佐於勝也即於二月中氣君火時化日火來行勝不待水復遇三月庚辰月乙見庚而氣自全金還正商

下少陽相火 熱化寒化勝復同邪氣化日也

災七宮風化八

新校正云詳乙亥風化三乙巳風化八

清化四

火化二

新校正云詳乙亥熱化二

乙巳熱化七 正化度也 度謂日也 其化上辛涼中酸和下鹹寒藥食宜也

丙子歲 丙午歲

上少陰火中太羽水運下陽明金 熱化二

新校正云詳丙子歲熱化七金

之災得其半以運水太過勝於天令天令減半丙午熱化二午為火少陰君火司天運雖水一水不能勝二火故異於丙子歲

清化四

新校正云詳丙子燥化九丙午燥化四

正化度也

其化上鹹寒中鹹熱

下酸溫藥食宜也

新校正云按玄珠云下苦熱又按至真要大論云燥淫于內治以酸溫

丁丑 丁未歲

上太陰土

新校正云詳此木運平氣上刑天令減半

中少角木運

新校正云詳丁年正月壬寅為干德符為

正角 下太陽水 清化熱化勝復同邪氣化度也 災三宮

雨化五 風化三 寒化一

新校正云詳丁丑寒化六丁未寒化一

正化度也

其化上苦溫中辛溫下甘熱藥食宜也

新校正云按玄珠云上酸平下甘溫又按

至真要大論云濕淫所勝平以苦熱寒淫于內治以甘熱

戊寅 戊申歲 天符 新校正云詳戊申年與戊寅年小異申為金佐於肺肺受火刑其氣稍實民病得半

上少陽相火 中太徵火運 下厥陰木

火化七 新校正云詳天符司天與運合故只言火化七火化七者太徵之運氣也若少陽司天之氣則戊寅火化二戊申火化七

風化三 新校正云詳戊寅風化八戊申風化三 正化度也

其他上鹹寒中甘和下辛涼藥食宜也

巳卯 新校正云詳巳卯金與運土相得子臨父位為逆 巳酉歲

上陽明金中少宮土運 新校正云詳復罷土氣未正後九月甲戌月土還正宮巳酉之年木勝火微 下

少陰火風化清化勝復同邪氣化度也 災五宮清化九 新校

正云詳巳卯燥化九巳酉燥化四 雨化五 熱化七 新校正云詳巳卯熱化二巳酉熱化七 正化度也

其他上苦小溫中甘和下鹹寒藥食宜也

庚辰 庚戌歲

上太陽水中太商金運 下太陰土

寒化一 新校正云詳庚辰寒化六庚戌寒化一 清化九 雨化五 正化度也

其他上苦熱中辛溫下甘熱藥食宜也 新校正云按玄珠云上甘溫下酸平又按

至真要大論云寒淫所勝平以辛熱濕淫于內治以苦熱

辛巳 辛亥歲

上厥陰木中少羽水運 新校正云詳辛巳年木復土罷至七月丙申月水還正羽辛亥年為水平氣以亥為水相佐為

正羽與辛巳年小異 下少陽相火 雨化風化勝復同

邪氣化度也 災一宮 風化三 新校正云詳辛巳風化八辛亥風化三

寒化一 火化七 新校正云詳辛巳熱化七辛亥熱化三 正化度也

其化上辛涼中苦和下鹹寒藥食宜也

壬午 壬子歲

上少陰火中太角木運

下陽明金

熱化二新校正云詳壬午熱化二

壬子熱化七

風化八

清化四新校正云詳壬午燥化四壬子燥化九

正化度也

其化上鹹寒中酸涼下酸溫藥食宜也

新校正云按玄珠云下苦熱又按至真要大論云燥淫于內治以苦熱

癸未 癸丑歲

上太陰土中少徵火運

新校正云詳癸未癸丑左右二火為間相佐又五月戊午干德符癸見戊而氣全水未行勝為

正徵下太陽水寒化雨化勝復同邪氣化度也災九宮

雨化五火化二寒化一

新校正云詳癸未寒化一癸丑寒化六

正化度也

其化上苦溫中鹹溫下甘熱藥食宜也

新校正云按玄珠云上酸和下甘溫又按

至真要大論云濕淫所勝平以苦熱寒淫于內治以甘熱

甲申 甲寅歲

上少陽相火中太宮土運

新校正云詳甲寅之歲小異於甲申以寅木可刑土氣之平也下厥

陰木火化二

新校正云詳甲申火化二

雨化五風化八

新校正云詳甲申風化三

正化度也

其化上鹹寒中鹹和下辛涼藥食宜也

乙酉

太一天符

乙卯歲

天符

上陽明金中少商金運

新校正云按乙酉為正商以酉金相佐故得平氣乙卯之年二之氣君火分中火來行勝

水未行復其氣以平以三月庚辰乙得庚合金運正商其氣乃平

下少陰火熱化寒化勝復同邪

氣化度也災七宮燥化四

新校正云詳乙酉燥化四乙卯燥化九

清化四熱化

二新校正云詳乙酉熱化七乙卯熱化二

正化度也

其化上苦小温中苦和下鹹寒藥食宜也

丙戌符天 丙辰符天 歲

上太陽水中太羽水運 下太陰土

寒化六新校正云詳此以運與司天俱水運故只言寒化六寒化六者太羽之運化也若大陽司天之化則丙戌寒化一丙辰寒化六

雨化五 正化度也 其化上苦熱中鹹温下甘熱藥食

宜也新校正云按玄珠云上甘温下酸平又按至真要大論云寒淫所勝平以辛熱濕淫于內治以苦熱

丁亥符天 丁巳符天 歲

上厥陰木中少角木運新校正云詳丁年正月壬寅丁得壬合為干德符為正角平氣 下少陽相

火清化熱化勝復同邪氣化度也災三宮風化三新校正云詳此運與司天俱木故只 正化度也

火化七新校正云詳丁亥熱化二丁巳熱化七 正化度也

其化上辛涼中辛和下鹹寒藥食宜也

戊子符天 戊午符天 歲

上少陰火中太徵火運 下陽明金熱化七新校正云詳此運與司天俱火故只言熱化七

清化九新校正云詳戊子清化九戊午清化四 正化

度也 其化上鹹寒中甘寒下酸温藥食宜也新校正云按玄珠云下苦熱又

按至真要大論云燥淫于內治以苦温

巳丑符天 巳未符天 歲

上太陰土中少宮土運新校正云詳是歲木得初氣而來勝脾乃病又土至危金乃來復至九月甲戌月巳得甲合土

還正 下太陽水 風化清化勝復同

邪氣化度也 災五宮 雨化五新校正云詳此運與司天俱土故只言雨化五 寒化一

新校正云詳巳丑寒化六巳未寒化一正化度也。其化上苦熱中甘和下甘熱。

藥食宜也。新校正云按玄珠云上酸平又按至真要大論云濕淫所勝平以苦熱

庚寅 庚申歲

上少陽相火 中太商金運。新校正云詳庚寅歲為正商得平氣以上見少陽相火下剋於金運不能太過庚申

之歲申金佐之乃為太商下厥陰木 火化七。新校正云詳庚寅熱化二庚申熱化七

清化九 風化三。新校正云詳庚寅風化二庚申風化三正化度也。

其化上鹹寒中辛溫下辛涼藥食宜也。

辛卯 辛酉歲

上陽明金 中少羽水運。新校正云詳此歲七月丙申水還正羽下少陰火。

雨化風化勝復同 邪氣化度也 災一宮 清化九。新校正云詳辛卯

卯燥化九辛酉燥化四寒化一 熱化七。新校正云詳辛卯熱化二辛酉熱化七正化度也。

其化上苦小溫中苦和下鹹寒藥食宜也。

壬辰 壬戌歲

上太陽水 中太角木運 下太陰土 寒化六。新校正云詳壬辰寒化六壬戌寒化一

風化八 雨化五 正化度也 其化上苦溫中酸和下甘

溫藥食宜也。新校正云按玄珠云上甘溫下酸平又按至真要大論云寒淫所勝平以辛熱濕淫于內治以苦熱

癸巳 癸亥 同歲會

上厥陰木 中少徵火運。新校正云詳癸巳正徵火氣平一謂巳為火亦名歲會二謂水未得化三謂五月戊

午月癸得戊合故得平氣癸亥之歲亥為水水得年力便來行勝至五月戊午火還正徵其氣始平下少陽相火 寒化

雨化勝復同 邪氣化度也 災九宮。

風化八新校正云詳癸巳風化八癸亥風化三火化二新校正云詳此運與在泉俱火故只言火化二火化二者少徵火運之化也若少陽在泉之化則癸巳熱化七癸亥熱化二正化度也

其化上辛涼中鹹和下鹹寒藥食宜也

凡此定期之紀勝復正化皆有常數不可不察故知其要者一言而終不知其要流散無窮此之謂也帝

曰善五運之氣亦復歲乎復報也先有勝制則後必復也岐伯曰鬱極迺

發待時而作也待謂五及差分位也大溫發於辰巳大熱發於申未天涼發於戌亥大寒發於丑寅上件所勝臨之亦待間氣而發故曰待時也新校正云詳注及字疑作氣

帝曰請問其所謂也岐伯曰五常之

氣太過不及其發異也歲太過其發早歲不及其發晚帝曰願卒聞之岐伯

曰太過者暴不及者徐暴者為病甚徐者為病持持謂相執持也

帝曰太過不及其數何如岐伯曰太過者其數成不

及者其數生土常以生也數謂五常化行之數也水數一火數二木數三金數四土數五成數謂水數六

火數七水數八金數九土數五也故曰土常以生也數生者各取其生數多少以占故政令德化勝復之休作日及尺寸分毫並以準之此蓋都明諸用者也

帝曰其發也何如岐伯曰土鬱之發巖谷震驚雷殷

氣交埃昏黃黑化為白氣飄驟高深鬱謂鬱抑天氣之甚也故雖天氣亦有涯也分

終則衰故雖鬱者怒發也土化不行炎亢無雨木盛過極故鬱怒發焉土性靜定至動也雷雨大作而木土相持之氣乃休解也易曰雷雨作解此之謂也土雖獨怒木尚制之故但震驚於氣交之中而聲尚不能高遠也故曰雷殷氣交氣交謂土之上盡山之高也詩云殷其雷也所謂雷雨生於山中者土既鬱抑天木制之平川土薄氣常乾燥故不能先發也擊石飛空洪水迺從

川流漫衍田牧土駒疾氣驟兩岸落山化大水橫流石迸勢急高山空谷擊石先飛而洪水隨至也洪大也巨川衍

溢派漫平陸漂蕩瘞沒於桑盛大水去已石土化氣迺敷善為時雨危然若羣駒散牧於田野凡言土者沙石同也

始生始長始化始成

化土化也。土被制化氣不敷。否極則泰。屈極則伸。處佛之時。化氣因之。乃能敷布於庶類。以時

而雨。滋澤草木而成也。善謂應時也。化氣既少。長氣已過。故萬物始生始長始化始成。言是四始者。明萬物化成之晚也。故民病心腹

脹。腸鳴而為數後。甚則心痛脇臑。嘔吐霍亂。飲發注

下。肘腫身重。脾熱之生。雲奔雨府。霞擁朝陽。山澤埃昏。其迺

發也。以其四氣。兩府。太陰之所在也。埃。白氣似雲而薄也。埃固有微其。微者如紗。敷之騰甚者如薄雲霧也。甚者發近微者發

遠。四氣謂夏至後三十日起。盡至秋分日也。雲橫天山。浮游生滅。佛之先兆。天際雲橫。山猶

冠帶。巖谷叢薄。乍滅乍生。有土之見。佛非已彰。皆平明占之。浮游以午前候望也。金鬱鬱之發。天潔地明。風清

氣切。大涼迺舉。草樹浮煙。燥氣以行。霧霧數起。殺氣

來至。草木蒼乾。金迺有聲。大涼。次寒也。舉。用事也。浮煙。燥氣也。殺氣。霜氣正殺氣者。以丑時至。長者亦夕

時辰時也。其氣之來。色黃赤黑雜而至也。物不勝殺。故草木蒼乾。蒼。薄青色也。故民病欬逆。心脇滿。引少

腹。善暴痛。不可反側。嗌乾。百塵色惡。

金勝而木病也。山澤焦枯。

土凝霜鹵。佛迺發也。其氣五。

夏。火炎亢。時雨既愆。故山澤焦枯。土上凝白鹵。鹵。狀如霜也。五氣謂秋分

後。至立冬後十五日內也。夜零白露。林莽聲悽。佛之兆也。夜濡白露。曉聽風悽。有是乃為

金發徵也。水鬱鬱之發。陽氣迺辟。陰氣暴舉。大寒迺至。川澤嚴

凝。寒零結為霜雪。零。音紛。寒零。白氣也。其狀如霧而不流行。墜地如霜雪。得日晞也。其則黃黑昏

翳。流行氣交。迺為霜殺。水迺見祥。黃黑。亦濁惡氣。水氣也。祥。妖祥。亦謂泉出平地。故民

病寒客。心痛。腰腫痛。大關節不利。屈伸不便。善厥逆。

痞堅腹滿。陰勝陽故。陽光不治。空積沈陰。白埃昏暝。而迺發

也。其氣二火前後。陰精與水皆上承火。故其發也。在君相二火之前後。亦猶辰星迎隨日也。太虛深玄。

氣猶麻散。微見而隱。色黑微黃。佛之先兆也。深玄。言其遠而黯黑也。氣似散

麻薄微可見之也。寅後卯時候之夏月兼辰前之時亦可候也。

木鬱之發太虛埃昏雲物以擾。

大風迺至屋發折木木有變。

屋發謂發鷄吻折木謂大樹摧拔摺落懸辛中拉也變謂土生異木

故民病胃腕當心而痛上支兩脇高咽不通飲食

不下甚則耳鳴眩轉目不識人善暴僵仆。筋骨強直而不

知也。太虛蒼埃天山一色或氣濁色黃黑鬱若橫雲不起。

雨而迺發也其氣無常。氣如塵如雲或黃黑鬱然猶在大長川草

偃柔葉呈陰松吟高山虎嘯巖岫怫之先兆也。草偃謂

自低柔葉謂白楊葉也無風而葉皆背見是謂呈陰如是皆通微其甚者發速微者發徐也山行之候則以松虎期之原行亦以麻黃為候秋冬則以梧桐蟬

葉候火鬱之發太虛腫翳大明不彰。腫翳謂赤氣也大明日也新炎

火行大暑至山澤燔燎材木流津廣廈騰煙土浮霜

鹵止水迺滅蔓草焦黃風行惑言濕化迺後

太陰太陽在上寒濕流於

太虛心火應天鬱抑而莫能彰顯寒濕盛已火迺與行陽氣火光故曰澤燔燎井水減少妄作訛言雨已愆期也濕化迺後謂陽元主時氣不爭長故先旱而

後雨也。故民病少氣瘡瘍癰腫脇腹胃背面首四支臍憤

臚脹瘍痈嘔逆癰瘕骨痛節迺有動注下溫瘧腹中

暴痛血溢流注精液迺少目赤心熱甚則瘖悶懊懣

善暴死。火鬱而怒為土水相持客主皆然悉無深犯則無咎也但熱已勝寒則為摧敵而熱從心起是神氣孤危不速救之天真將竭故死火之

用速故刻終大溫汗濡玄府其迺發也其氣四。刻終謂晝夜水刻之終盡

善暴死時也大溫次熱也玄府汗空也汗濡玄府謂早行而身蒸熱也刻盡之時陰盛於此反無涼氣是陰不勝陽熱既已萌故當怒發也新校正云詳二火俱發

四氣者何蓋火有二位為水發之所又動復則靜陽極反陰濕令

迺化迺成。火怒燦金陽極過亢畏火求救土中土救熱金發為風聚為

也。華發水凝山川冰雪。焰陽午澤。佛之先兆也。謂君人王時有寒至也。故

歲君人發亦待時也。有佛之應而後報也。皆觀其極而廼發也。木發

無時。水隨火也。應為先兆。發必後至。故先有應而後發也。物不可謹候。以終壯觀其壯極則佛氣作焉。有鬱則發氣之常。謹候

其時。病可與期。失時反歲。五氣不行。生化收藏。政無

恒也。人失其時則候無期準也。帝曰。水發而雹雪。土發而飄驟。木發而

毀折。金發而清明。火發而曠昧。何氣使然。歧伯曰。氣有多

少。發有微甚。微者當其氣。甚者兼其下。徵其下氣而見

可知也。六氣之下各有承氣也。則如火位之下。水氣承之。水位之下。土氣承之。土位之下。木氣承之。木位之下。金氣承之。金位之下。火氣承之。君

位之下。陰清承之。各徵其下。則象可見矣。故發兼其下。則與本氣殊異。帝曰。善。五氣之發不當位者

何也。言不當其正月位也。新校正云。按正月也。至真要大論云。勝復之作。動不當位。或歧伯曰。命其差。

後時而至其故何也。歧伯曰。夫氣之生化。與其衰盛異也。寒暑溫涼。盛衰之用。其在四維。故陽之動。始於溫。盛於暑。陰之動。始於清。盛於寒。春夏秋冬。各差其分。故大要曰。彼春之暖。為夏之暑。彼秋之忿。為冬之怒。謹按四維。并候皆歸其終。可見其始可知。彼論勝復之不當位。此論五氣之發不當位。所論勝復五發之事。則異而命其差之義。則同也。帝曰。差有數乎。言日數也。歧伯曰。後皆三十度

而有奇也。後謂四時之後也。差三十日。餘八十七刻半。氣猶來去而甚盛也。度日也。四時之後。今常爾。新校正云。詳注本八十七刻半。

當作四十三刻。又四十分刻之三十一。帝曰。氣至而先後者何。謂未應至而至太早。應至而至反太遲之類也。正謂

氣至在期前後。歧伯曰。運太過則其至先。運不及則其至後。此

候之常也。帝曰。當時而至者何也。歧伯曰。非太過。非

不及。則至當時。非是者。眚也。當時謂應日刻之期也。非應先後至而有先後至者。皆為眚。眚火也。

帝曰。善。氣有非時而化者何也。歧伯曰。太過者當其

時。不及者歸其已勝也。冬雨春涼。秋熱冬寒之類。皆為歸已勝也。帝曰。四時之氣

至有早晏。高下左右。其候何如。歧伯曰。行有逆順。至有遲速。故太過者化先天。不及者化後天。氣有餘故化先。氣不足故化後。

帝曰。願聞其行。何謂也。歧伯曰。春氣西行。夏氣北行。秋氣東行。冬氣南行。觀萬物生長。收藏如斯言。故春氣始於下。秋氣始

於上。夏氣始於中。冬氣始於標。春氣始於左。秋氣始於右。冬氣始於後。夏氣始於前。此四時正化之常。物

以明之。可知也。故至高之地。冬氣常在。至下之地。春氣常在。山

之巔。盛夏冰雪。汚下川澤。嚴冬草生。長在之義。足明矣。新校正。去按五常政大論云。地有高下。氣有溫涼。高者氣寒。下者氣暑。必謹察之。

帝曰善。天地陰陽。視而可見。何必思諸冥昧。備法推求。智極心勞。而無所得邪。黃帝問曰。五運六氣

之應見。六化之正。六變之紀。何如。歧伯對曰。夫六氣

正紀。有化有變。有勝有復。有用有病。不同其候。帝欲何乎。帝曰。願盡聞之。歧伯曰。請遂言之。遂盡也。夫氣之所

至也。厥陰所至為和平。初之氣。木之化。少陰所至為暄。二之氣。君火也。太

陰所至為埃溽。四之氣。土之化。少陽所至為炎暑。三之氣。相火也。陽明所

至為清勁。五之氣。金之化。太陽所至為寒露。終之氣。水之化。時化之常也。

四時氣正。化之常候。厥陰所至為風府。為墨啓。墨。微裂也。啓。開坼也。少陰所至為火

府。為舒榮。太陰所至為雨府。為員盈。物承土化。質員盈滿。又雨界地。綠文見如環。為

員化。明矣。少陽所至為熱府。為行出。藏熱者。出行也。陽明所至為司殺

府。為庚蒼。庚。更也。更。代也。易也。太陽所至為寒府。為歸藏。物寒故。歸藏也。司化

之常也。厥陰所至為生。為風搖。木之化也。少陰所至為榮。為

形見火之化也太陰所至為化為雲雨土之化也少陽所至為長為

蕃鮮火之化也陽明所至為收為霧露金之化也太陽所至為藏為

周密水之化也氣化之常也厥陰所至為風生終為肅風化以生則風

生也肅靜也新校正云按六微旨大論云風位之下金氣承之故厥陰為風生而終為肅也少陰所至為熱生中

為寒熱化以生則熱生也陰精承上故中為寒也新校正云按六微旨大

論云少陰之上熱氣治之中見太陽故為熱生而中為寒也又云君位

之下陰精承之太陰所至為濕生終為注雨濕化以生則濕生也

亦為寒之義也新校正云按六微旨大論云土位之下風氣承之王注云疾風

之後雨乃零濕為風吹化而為雨故太陰為濕生而終為注雨也矣少陽所

至為火生終為蒸溽火化以生則火生也陽在上故終為蒸溽新

故少陽為火生而終為蒸溽也矣陽明所至為燥生終為涼燥化以生則燥生也陰

正云詳此六氣俱先言本化次言所反之氣而獨陽明之化言燥生終為涼未

見所反之氣再尋上下文義當云陽明所至為涼生終為燥方與諸氣之義同

貫蓋以金位之下火氣承之故陽明為清生而終為燥也太陽所至為寒生中為溫寒化以生則

內故中為溫新校正云按五運行大論云太陽之上寒氣治之中見少陰故為寒生而中為溫德化之常也風生毛形

濕生裸形火生羽形燥生介形寒生鱗形六化皆為主歲厥陰所至為毛

化形之有毛者少陰所至為羽化有羽翼飛行之類也太陰所至為裸化無毛羽

類也少陽所至為鱗化薄明羽翼蜂蟬之類非翎羽之羽也陽明所至為介化有甲

陽所至為鱗化身有鱗也德化之常也厥陰所至為生化溫化

少陰所至為榮化暄化也太陰所至為濡化濕化也少陽所至

為茂化熱化也陽明所至為堅化涼化也太陽所至為藏化寒化

布政之常也厥陰所至為飄怒太涼飄怒木也大涼下承之金氣也少陰

所至為大暄寒大暄君火也寒下承之陰精也太陰所至為雷霆驟注烈

風雷霆驟注土也烈少陽所至為飄風燔燎霜凝飄風旋轉風也

風下承之水氣也也。陽明所至為散落温散落金也温下承之火氣也。太陽所至為寒雪冰

雹白埃霜雪冰雹水也白埃下承之土氣也。氣變之常也。變謂變常平之氣而為甚用也。用甚不已則下承之氣兼行故

皆非本氣也厥陰所至為撓動為迎隨風之性也。少陰所至為高明

焯為曛焯陽焯也曛赤黃色也。太陰所至為沈陰為白埃為晦暝暗蔽不明也。

少陽所至為光顯為彤雲為曛光顯電也流光也明也。彤赤色也少陰氣同。陽明

所至為煙埃為霜為勁切為悽鳴殺氣也。太陽所至為剛

固為堅芒為立寒化也。令行之常也。令行則庶物無違。厥陰所至為裏

急筋緩縮故急也。少陰所至為瘍疹身熱火氣生也。太陰所至為積飲

否隔土礙也。少陽所至為噎嘔為瘡瘍火氣生也。陽明所至為浮虛

浮虛薄腫按之復起也。太陽所至為屈伸不利。病之常也。厥陰所至

為支痛支柱妨也。少陰所至為驚惑惡寒戰慄譫妄譫亂言也今詳慄字當作

慄字。太陰所至為稽滿。少陽所至為驚躁瘖昧暴病。陽明

所至為軌尻陰股膝髀腓足病。太陽所至為腰痛。

病之常也。厥陰所至為縵戾。少陰所至為悲妄衄衄衄亦脂也。

太陰所至為中滿霍亂吐下。少陽所至為喉痺

耳鳴嘔涌涌謂溢食不下也。陽明所至為皴揭身皮裂象。太陽所至為寢汗

瘖寢汗謂睡中汗發於胸膈頸掖之間也俗誤呼為盜汗。病之常也。厥陰所至為脇痛嘔

泄泄謂利也。少陰所至為語笑。太陰所至為重肘腫肘腫謂肉淫按之不起也。

少陽所至為暴注暈瘵暴死。陽明所至為軌噎。太陽

所至為流泄禁。止病之常也。凡此十二變者。報德以
德。報化以化。報政以政。報令以令。氣高則高。氣下則
下。氣後則後。氣前則前。氣中則中。氣外則外。位之常

也。氣報德。報化。謂天地氣也。高下前後中外。謂生病所也。手之陰陽。其氣高足。之陰陽。其氣下足。太陽氣在身後。足陽明氣在身前。足太陰少陰厥陰氣在

身中。足少陽氣在身側。各隨所在言之。氣變生病象也。故風勝則動。動不寧也。新校正云。詳風勝則

應象大論文重。熱勝則腫。熱勝氣則為丹熛。勝血則為癰。腫勝骨肉則為附腫。按之不起。燥勝則乾。

乾於外。則皮膚皴折。乾於內。則精血枯涸。乾於氣及津液。則肉乾而皮著於骨。寒勝則浮。浮謂浮起。按之濕勝則

濡泄。甚則水閉。肘腫。濡泄。水利也。肘腫。肉泥。按之陷而不起也。水閉。則逸於皮中也。隨氣所在

以言其變耳。帝曰。願聞其用也。岐伯曰。夫六氣之用

各歸不勝而為化。用謂施其化氣。故太陰雨化。施於太陽。太陽

寒化。施於少陰。新校正云。詳此當云少陰少陽。少陰熱化。施於陽明。陽明

燥化。施於厥陰。厥陰風化。施於太陰。各命其所在。以

徵之也。帝曰。自得其位。何如。岐伯曰。自得其位。常化

也。帝曰。願聞所在也。岐伯曰。命其位。而方月可知也。

隨氣所在。以定其方。六分占之。則日及地。分无差矣。帝曰。六位之氣。盈虛何如。岐伯曰。

太少異也。太者之至。徐而常。少者暴而亡。力強而作。不能久長。故暴而无

也。上無也。帝曰。天地之氣。盈虛何如。岐伯曰。天氣不足。地氣

隨之。地氣不足。天氣從之。運居其中。而常先也。運謂木火土金

水。各主歲者也。地氣勝。則歲運上升。天氣勝。則歲氣下降。上升下降。運氣常先。升降也。惡所不勝。歸所同。和隨

運。歸從而生其病也。非其位則變生。變生則病作。故上勝則天氣降。而

下勝則地氣升。而天氣降。故上勝則天氣降。而

下下勝則地氣遷而上

勝謂多也。上多則自降。下多則自遷。多少相移。氣之常也。新校正云。按六微旨大論云。

升已而降。降者謂天降已而升。升者謂地天氣下降。氣流于地。地氣上升。氣騰于天。故高下相召。升降相因而變作矣。此亦升降之義也矣。

多少

而差其分

多則遷降多。少則遷降少。多少之應。有微有甚。異之也。

微者小差。甚者大差。甚

則位易氣交。易則大變生而病作矣。大要曰。甚紀五

分。微紀七分。其差可見。此之謂也。

以其五分七分之所以。知天地陰陽過差矣。

帝

曰善論言熱無犯熱。寒無犯寒。余欲不遠寒。不遠熱。

柰何。歧伯曰。悉乎哉。問也。發表不遠熱。攻裏不遠寒。

汗泄。故用熱。不遠熱。下利。故用寒。不遠寒。皆以其不住於中也。如是則夏可用熱。冬可用寒。不發不泄而無畏忌。是謂安遠法。所禁也。皆謂不獲已而用之也。

秋冬亦同。新校正云。按至真要大論云。發不遠熱。无犯温涼。

帝曰。不發不攻。而犯寒犯熱。何

如。歧伯曰。寒熱內賊。其病益甚。

以水濟水。以火濟火。適足以更生。病豈唯本病之益甚乎。帝

曰。願聞無病者何如。歧伯曰。無者生之。有者甚之。

無病者犯

林宗猶能生病。况有病者。而未輕減。不亦難乎。

帝曰。生者何如。歧伯曰。不遠熱則熱

至。不遠寒則寒至。寒至則堅。否腹滿痛急。下利之病

生矣。

食已不飢。吐利腥穢。亦寒之疾也。

熱至則身熱。吐下霍亂。癰疽瘡瘍。

贅鬱。注下。瞶瘵。腫脹。嘔衄。衄頭。痛骨節。變肉。痛血溢。

血泄。淋瀝之病生矣。

暴瘖冒昧。目不識人。躁擾狂越。妄見妄聞。罵詈驚癩。亦熱之病。

帝曰。治之

柰何。歧伯曰。時必順之。犯者治以勝也。

春宜涼。夏宜寒。秋宜温。冬宜熱。此時之宜。

不可不順。然犯熱治以寒。犯寒治以熱。犯春宜用涼。犯秋宜用温。是以勝也。犯熱治以鹹寒。犯寒治以甘熱。犯涼治以苦温。犯温治以辛涼。亦勝之道也。

黃帝問曰。婦人重身。毒之何如。歧伯曰。有故無殞。亦

無殞也。

故謂有大堅癥瘕。痛甚不堪。則治以破積愈癥之藥。是謂不救必殞。盡死救之。善存其大也。雖服毒不死也。上無殞言。母必全。亦无殞言。

子亦不死也。

帝曰願聞其故何謂也岐伯曰大積大聚其可

犯也衰其大半而止過者死

衰其大半不足以害生故衰大半則止其藥若過禁待盡毒氣內餘无病

可攻以當毒藥毒攻不已則敗損中和故過則死

新校正云詳此婦人身重一節與上下文義不接疑他卷脫簡於此

甚者治之奈何

天地五行應運有鬱抑不申甚者也

岐伯曰木鬱達之火鬱

發之土鬱奪之金鬱泄之水鬱折之然調其氣

達謂吐之今其

條達也發謂汗之令其疎散也奪謂下之令无擁礙也泄謂滲泄之解表利小便也折謂抑之制其衝逆也通是五法乃氣可平調後乃觀其虛盛而調理之也

過者折之以其畏也所謂寫之

過太過也太過者以其味寫之以鹹寫腎酸寫肝辛寫肺甘寫

脾苦寫心過者畏寫故謂寫為畏也

帝曰假者何如岐伯曰有假其氣則無

禁也

正氣不足臨氣勝之假寒熱温涼以資四正之氣則可以熱犯熱以寒犯寒以温犯温以涼犯涼也

所謂主氣不足

客氣勝也

客氣謂六氣更臨之氣主氣謂五藏應四時正王春夏秋冬也

帝曰至哉聖人之道

天地大化運行之節臨御之紀陰陽之政寒暑之令

非夫子孰能通之請藏之靈蘭之室署曰六元正紀

非齋戒不敢示慎傳也

新校正去詳此與氣交變大論末文同

重廣補注黃帝內經素問卷第二十一

六元正紀大論憤

音會

蒙

音蒙

融

胡革切

瘞

巨郢切

